

剡源鄉志卷一

奉化趙霈濤 醉仙甫纂

里至

西至紹興府嵊縣界一百里以陸照嶺為界自界首至嵊縣一百四十里寶慶四明志十四〇

延祐四明志一府作路餘同

案嵊縣界是唐興嶺非陸照嶺陸照嶺是新昌界非嵊縣界康熙奉化縣志西至嵊縣剡嶺界一百里今有剡界嶺而無剡嶺剡界嶺仍是新昌界

西北至紹興府嵊縣界一百二十里以箬阮嶺為界自界首至嵊縣一百二十里寶慶

志十四〇延祐志一府作路餘同

案康熙乾隆二縣志嶺條作箬嶺脫一阮字查嵊縣村落有箬阮此處有嶺去剡源不遠想或是也

東至奉化縣一百四十里界陸照嶺高似孫錄

剡源鄉志

卷一

里至

丹山赤水洞天 剡仙宮 印行

由縣治至剡源鄉公塘四十里至高畧五十里至小晦六十里至大晦六十五里至

董村七十里至梨洲一百里至西晦溪一百里至康家五十里至三石六十里至

六詔八十里至雲南村九十里康熙奉化縣志〇乾隆奉化縣志同

案縣志里至有雲南村古蹟亦詳雲南村鄉都又別列雲門村疑門為南之訛惟遍閱各族譜牒並無言及雲南村者黃梨洲先生四明山志雲南里奉化四十八都剡源管嵩溪里非雲南里四十八都為今俞村董村棲霞阮西晦溪北溪梨洲諸村其云雲南里四十八都未知所據或以九題之雲南當之據陳本堂先生集雲南村查村然里至既有董村不應一村而有二名且與九十里亦不合以九十里計之疑是石門西晦溪以石門今石門屬嵊縣不屬奉化豈地名隨時變更而康熙乾隆兩次重修時剡源無人探訪故沿訛而不改與

沙隄接禽鄉距縣城四十里徐家步俗作埠頭四十三里公塘四十五里後董四十七

里康嶺五十里茅渚五十四里西隅五十五里三石六十里塔下六十二里寺前

六十四里柳院六十五里下蹕駐七十里上蹕駐七十二里六詔八十里上六詔八十二里麻廠八十三里晚響嶺八十五里水碓頭九十里剡界嶺新昌縣界一百里

○案寶慶志以陸照嶺為界是今之界嶺即古陸照嶺也牌門頭七十三里西畧八十里黃沙院八十五里

石橋頭八十七里應家山九十里大阮九十里磨石嶺新昌縣界九十五里以上申路

斑溪距縣城五十二里董家畧五十三里許家岸五十五里楊家地六十三里榆林

六十五里樟墅六十六里楊墅七十里石門六十里由長嶺而出菱湖嶺接連山鄉七十五

里巖頭六十五里界嶺接連山鄉八十里寒風嶺八十五里鐵山八十里豬頭嶺八十

里接連山鄉以上前路

高畧距縣城五十里亭下五十五里西山頭六十里馬村六十里環潭六十五里白

壁七十里大晦嶺六十五里毛家灘七十里斑竹園七十二里住嶺下七十五里

沈家巖八十里開清寺八十五里細院一百里俞村六十里畧底六十二里董村

六十五里巖院七十里棲霞院八十里篁竹八十里西晦溪九十五里應家山接連山鄉

# 剡源鄉志

## 卷一

里至

一一

丹山赤水洞天  
剡曲草堂印行

縣界一百里北溪接連山鄉九十里梨洲一百里平阮縣界一百十里以上後路

北至府治陸路一百二十里從五曲三石適中之地計算水路一百三十五里

西北至省城水路六百四十里陸路四百里過北溪過大橫山過小橫山登羊額嶺過兩嶺過上虞城渡曹娥江二百里乘

船至西興一百八十里渡錢塘江至巡撫衙門二十里共四百里

東界連山鄉許家山南界新昌縣下蔡畧西界嵗縣湖潭北界禽孝鄉上山東南界

連山鄉徐馬站西南界新昌縣張家又東北界禽孝鄉新建西北界鄞縣杖錫餘

姚大俞上虞羊額嶺

東西相距八十里南北相距五十五里周二百一十里

### 都圖

唐貞元間為鄉一十有九宋景德三年始併為八鄉乾道四明圖經三剡源其一也

案寶慶志剡源居第六鄉延祐至正二志剡源居第八鄉以後志書仍之

剡源鄉縣西管里一村四 嵩溪里 三石村 小晦村 陸照村 公塘村寶慶志十

案寶慶之前踰駐有陳殿中監沙隄有樊監察御史良忠康嶺有康孝子彥中高畧有張僉判欽董村有竺耕道兄弟雖斑溪榆林石門西晦溪董聲仲陳養直毛儀卿單君範諸人未出而其祖若父皆世世居此何以寶慶志僅載三石等四村耶是時主修者胡尙書仲方廬陵人作者方教授萬里羅參軍塔亦廬陵人其他編類文字者十一人或郵人或慈谿人或不詳里貫均在郡城纂修我奉無一人預其事者亦何怪其簡略也

四十七都延祐志八

一圖領二十五村

亭下○岡朗山○大船○倪家山○張家石操○烏龜石○吳家  
 嶺下○沈家巖○石柱巖○開清寺○雞毛○作泉  
 蕩部魚山○大豬槽○滌水巖○韭菜坪○陳阮○細阮

四十八都延祐志八

一圖領一十三村

俞村○董村○姚家○大巖下○農下山○劉家田○擦樹岡○  
 小麥地○三折嶺脚○龍潭山○冰水孔○三十六灣○樓霞阮

剡源鄉志

卷一

部圖

三

丹山赤水洞天  
 剡曲草堂印行

案唐田屬嵎縣因田產寄籍於剡源故昔有跨考奉化籍者

二圖領二十九村

董竹○西晦溪○應家山○大繞○北溪○茶焙○梨洲○寺前  
 茅壩○平坑○陽溝坑○跳坑○前阮○下慈坑○大巖下○  
 板坑○龍巖岡○後湖○湖裏○前路山○油竹坪○大樹秧

案嵎縣之石門雖剡源多寄籍之產曾無一人冒考者

四十九都延祐志八

一圖領十一村

康嶺○西隅○田廠○馬村○西山頭○環潭  
 白壁○大海嶺○龍華寺○單家○巖阮

二圖領一十六村

茅渚○斑溪○董家畧○塘腦○深阮○許家岸○溪西  
 西巖○大灣○楊家地○黃麻塢○榆林○中華畧○楊  
 擊○蟹  
 鉗地

三圖領五村

下汪○三石○塔下  
 倪家畧○寺前

案族內藏有四十九都一圖清丈魚鱗冊殘本並無年分其業主姓名俱四十九都三圖三石塔下二村人今四十九都一圖在四十九都三圖之下不知何時改隸三圖無從稽考

五十都 延祐志八

一圖領四十五村

柏阮 ○ 竺家 ○ 前塢 ○ 曹家地 ○ 下洋駐 ○ 上蹕駐 ○ 牛塘 ○ 龍塢 ○ 柿  
六詔 ○ 曹塢 ○ 水碓頭 ○ 大巖坪 ○ 虎狼阮 ○ 牛長灣 ○ 木杓頭 ○ 白嶺 ○ 晚響嶺 ○ 上  
前塢 ○ 高塘 ○ 楓樹灣 ○ 應家山 ○ 茅洋頭 ○ 清水田 ○ 大阮 ○ 石橋頭 ○ 白嶺 ○ 晚響嶺 ○ 上  
○ 南塢 ○ 小阮 ○ 應家山 ○ 茅洋頭 ○ 清水田 ○ 大阮 ○ 石橋頭 ○ 白嶺 ○ 晚響嶺 ○ 上

案高塘接嶽縣界剡界嶺半屬新昌

五十一都 延祐志八

一圖領二十三村

巖頭 ○ 董家坪 ○ 許家堰 ○ 東阮 ○ 白泥嶺 ○ 寒風嶺 ○ 茅坪 ○ 白石 ○ 下風壘 ○ 上  
風壘 ○ 董家坪 ○ 許家堰 ○ 東阮 ○ 白泥嶺 ○ 寒風嶺 ○ 茅坪 ○ 白石 ○ 下風壘 ○ 上  
邱田 ○ 大阮 ○ 鐵山 ○ 油茅畝 ○ 塔裏阮 ○ 界嶺 ○ 白泥嶺 ○ 寒風嶺 ○ 茅坪 ○ 白石 ○ 下風壘 ○ 上  
灣 ○ 田雞山 ○ 馬鑾山 ○ 豬頭嶺 ○ 下九 ○ 桃

案謝界山地屬連山因居人俱從巖頭遷彼故戶籍遂入剡源焉

二圖領一十一村

石門 ○ 篋竹田 ○ 水塘灣 ○ 扁擔嶺 ○ 竹坪 ○ 孫家山 ○ 田  
灣 ○ 高阮 ○ 深羅阮 ○ 石嶺 ○ 大阮 ○ 竹坪 ○ 孫家山 ○ 田

案長隴頭張家阮二村地屬連山因居人俱從石門遷彼故戶籍遂入剡源焉

五十二都 延祐志八

剡源鄉志

卷一

都圖

四

丹山赤水洞天  
剡曲草堂印行

一圖領十村

沙隄 ○ 入山亭 ○ 後董 ○ 徐家步頭 ○ 公塘 ○ 小千  
巖 ○ 船灣 ○ 高巖 ○ 徐島 ○ 直嶺 ○ 塢董家橋

案剡源中路之康嶺西隅宜隸四十九都三圖今隸一圖與馬村等處相去十  
餘里與巖阮相去二十餘里且有五十二都之高巖四十七都之亭下相錯  
徵賦役者稱難焉後之造冊籍者其更正之

剡源鄉

縣西 舊剡源隱遊石門三鄉帶管一日嵩溪管都六大小晦村 雲門  
村 西 晦溪 三石 六詔 榆林 公塘 高巖 沙隄 舊一十一里  
今編一十里 四十七都圖一 四十八都圖二 四十九都圖三  
五十都圖一 五十一都圖二 五十二都圖一 康乾二志

元明增置方隅折為一百四十九里里各以百十戶為十年圖年推一人為長領甲  
首十戶不足者為帶管琦零每十年更造冊籍五年審察丁糧上下以為正差雜  
差我朝順治十年為均里法里各以三千五百畝為率地無盈縮役無偏枯康熙  
元年遣界後編里一百二十九里 康乾志

鎮市

公塘鎮 縣西北三十里 寶慶志 唐文德元年置 寶慶志

案剡源直縣之正西當作縣西四十五里

公棠市嘉靖志引永樂志久廢

康嶺街 距縣五十里

康嶺廿六市 每歲十二月二十六日四方貿易者咸集於此

亭下街 距縣五十五里

亭下三市 縣西南五十里即晦亭乾隆志 每月初三十三二十三為市日

案當作縣西五十五里

坊表

雲錦坊 縣西七十里為舉人宋璧立雍正志

案康乾二志作縣北三里璧為董村人其先世遷自北山則建坊於縣北亦未可知今北山所存石柱十餘處莫可識認若董村并石柱亦無之矣

又案嘉靖志雲錦坊縣北三里為舉人宋暄立無宋璧之坊名康乾二志躍龍

# 剡源鄉志

## 卷一

鎮市 坊表 風俗

五

丹山赤水洞天 剡曲草堂印行

坊為宋暄立雲錦坊為宋璧立兩兩載之嘉靖志移宋暄於雲錦之下誤記宋璧為宋暄遂錯認躍龍為雲錦與

長春勝槩坊 在下蹕駐接引橋側

案現存石柱二兩旁小字漫滅不可讀不知為何人而立

壽婦坊 為三石趙有積之妻黃氏立乾隆三十六年奉敕建坊并給貞壽之門匾

額參乾隆志 詳見列女傳

案當時無力建坊其子孫亦因循不果

節孝坊 董村在邑廩生竺苞之妻陳氏立

風俗

其穀宜稻周禮職方氏

信鬼神好淫祀乾道圖經一

案此條圖經引隋書地理志

右山左海土狹人稠日以開闢爲事凡山巔水湄有可耕者累石塹土高尋丈而延

袤數百尺不以爲勞寶慶志十四

詩禮曹鄭之詰延福志引王深寧四明七

孝讓之風藹然爲鄉族望戴表元題獎

敦厚愷悌之澤今復未艾袁栢二先生書

有山可樵有水可漁有宅可以桑麻有田可以稼穡有圃可以筍茹其出者皆有廉

謹之名處者皆有節義禮讓之行戴良刻源九曲園記

### 恭錄聖訓

雍正七年上諭游惰之民自昔治天下者之所深惡若好爲賭博之人又不止於游惰而已荒棄本業蕩廢家資品行日卽於卑汚心術日趨於貪詐父習之則無以訓其子主習之則無以制其奴鬪毆由此而生爭訟由此而起盜賊由此而多匪類由此而聚其爲人心風俗之害誠不可以悉數也大凡爲不善之事者雖干犯

## 剡源鄉志

### 卷一

風俗

六

丹山赤水洞天  
剡曲草堂印行

公令猶可得微利於一時而獨至賭博則今日之所得明日未必能保若合一年數月而計之勝者與負者同歸於盡此天下之人所共知者而無如邪僻之人一入其中卽迷而不悟且甘爲下賤而不辭亦大可悲矣數年以來屢次降旨嚴禁而此風尙未止息者則以製造賭具之尙有其人而有司之禁約未曾盡力也百工技巧之事可以獲利營生者何事不可爲而乃違條犯法製此壞風俗惑人心之具其罪尙可言乎嘗思賭博之風所以盛行父兄爲之子弟在旁見而傲之家主爲之奴僕在旁見而傲之甚至婦人女子亦沈溺其中而不以爲怪總因習此者多故從風而靡者衆也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司均有化民成俗之責而乃悠悠忽忽視爲泛常安辭溺職之咎今特定本地方官員勸懲之法以清其源嗣後拿獲賭博必窮究賭具之所由來其製造賭具之家果審明確有證據出於某縣將該縣知縣照溺職例革職知府革職留任督撫司

道等官各降一級留任如本地有私造賭具之家而該縣能緝拏懲治者知縣著加二級知府著加一級督撫司道等官紀錄二次將此勸懲之法永著爲例於雍正庚戌年爲始著該督撫通行曉諭咸使聞知特諭

雍正十三年上諭朕聞外省百姓有生計稍裕之家每遇喪葬之事多務虛文侈靡過費其甚者至於召集親朋鄰族開筵劇飲謂之鬧喪且有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得爲而不爲與不得爲而爲之者均爲非孝是知各循其分乃能各盡其孝而初不在以奢靡相尚也况當哀痛迫切之時而顧聚集親朋飲酒演劇相習成風恬不知怪非惟於理不合抑亦於情何忍此甚有關於風俗人心不可不嚴行禁止著各省督撫等通行明切曉諭嗣後民間遇有喪葬之事不許仍習陋風聚飲演劇以及扮演雜劇等類違者按律究處務在實力奉行毋得姑爲寬縱特諭

上諭朕聞吉凶異道不得相干故娶在三年之外而聘在三年之內者春秋皆以爲

## 剡源鄉志

### 卷一

風俗

七

丹山赤水洞天  
剡山草堂印行

非禮記稱大功之末可以冠子可以嫁子父小功之末可以娶婦己雖小功既卒哭可以冠娶妻三年之喪創深痛鉅苟有人心者必宜於此焉變矣乃愚民不知禮教起於阜隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間爲之而八旂效之朕實憫焉自今伊始自齒朝之士下逮門內有生監者三年之喪未終喪不得嫁娶違者奪爵褫服其極貧阜隸編氓父母臥疾呻吟牀褥必賴子婦以供薪水治饗餐者聽其迎娶盥饋俟疾餘喪畢而後成婚古者禮不下庶人其斯之類與曾子問親迎女在途而壻之父母死女改服布深衣縞總以趨喪亦此義也其商賈中家不以士大夫禮繩之然人性皆善朕知其必有觀感興起而不忍自同於氓隸者矣特諭

凡喪三年者百日薙髮在喪不飲酒不食肉不處內不入宮門不與吉事期之喪二月薙髮在喪不婚嫁九月五月者踰月薙髮三月者踰旬薙髮在喪均不與燕樂

夏醴谷曰聞之昏禮不用樂幽陰之義也昏禮不賀人之序也今則置酒高會而澆弛無行之徒沈湎喧呶甚且以媒嬾之詞相軋以爲笑樂此又俗尙之偷有力者宜亟挽之也

徐健菴曰親死不葬此人子莫大之罪况律有明禁而世人往往犯之何哉以爲無其財耶則斂手足形還葬無槨固聖人之所許也以爲無其地耶則暴棺於中野而風水是求又君子之所不爲也且爲士大夫者於一身之居處服食無不窮其財力以爲之獨父母之遺骸反不獲一抔之土而掩蔽焉卽旁觀者尙且爲之歎歎太息而彼乃安焉不顧何人心之漸滅一至於斯也然則欲振救此弊者將何術而可曰有國典在一舉律文以治之彼人之不畏禮義者獨不畏刑罰乎其或仕宦之家有司不敢行法則必依周廣順之詔書親喪未葬已仕者不許榮進未仕者不許應舉且必於保狀內明書依禮葬畢方許服官赴試而所司失於覺察者並罪則凡欲求利達者無不圖速葬其親而停柩不葬之風庶幾可以少挽卽

## 剡源鄉志

### 卷一

風俗

八

丹山赤水洞天  
剡曲草堂印行

先儒邱文莊之議亦然昭代之章程前王之法制昭昭具在何不可舉而行之哉案今福建舉人貢生等服滿縣報府府報布政司布政司申呈禮部並據本生鄰里給狀稱二十七月服內已經安葬并取地師墳丁土工結狀一并申報如無結狀不准赴試余在禮部見之嘆其風俗近古是考亭教思未墜然是篤終之禮豈可獨使閩士無憾宜推行於諸布政使司一體飭遵者也

陳文恭公風俗條約曰宴會所以合歡飲食止期適口何乃爭誇貴重羣尙希奇山珍海錯之中又講配合烹調之法排設多品一席費至數金小小宴集卽耗中人終歲之資逞欲片時果腹有限徒博豪侈之名重造暴殄之孽前撫軍徐公會與同官紳士有五簋之約爲民倡率本部院秉臬時曾與其會一時漸有遵從近復誇多如故嗣後正事張筵不得過八菜費不得過一金親朋小集仍以五簋爲度約豐儉之宜留不盡之福物薄而情自厚費省而禮可勤亦何苦而不爲也

張清恪公飭禁昏禮華奢示曰入門之後設酒動十餘席糜費已極合昏之夕親戚

朋友夥飲徹宵擁衆入房披帷帳搜枕衾名曰鬧房藝狎瀆亂傷風敗俗此其甚也嗣今嫁女椅卓不過數張被褥全具衣服一箱過此定拏其父母以違制論并著地方保長糾察鬧房之人子衿移學戒飭小民發府縣懲治嗚呼張公此言誠整飭風俗之要務也

張考夫曰家堂香火之神名義安在至於天地君親師者以爲民生所重則有之矣而立一主以祀之則無義矣以天地爲上帝后土則郊壇之祭天子而下莫敢舉也若非上帝后土豈別有一天地爲民間通祀之者至於君謂先君乎則九廟奉之矣以爲非先君乎則皇帝方臨御矣安得而神之也親則祠堂旣立四世主矣又總名曰親果何親也先聖先師則自國學各府州縣之學以及書院莫不崇祀不應家以瀆之若所受業師則固有子孫以時享况乎薄俗人心今日師弟明日路人當其生前久矣不復胸臆而謂身歿之後猶置念思有之乎尋繹斯言凡有天地君親師之主者急宜撤而去之當遵朱子到地爲始祖之說以始遷祖之主

## 剡源鄉志

### 卷一

風俗

九

丹山赤水剡天  
剡曲草堂印行

居中亦不及遠追始祖之所自出則心安而理得矣

曾文正公曰兄妹之子女猶然骨肉古者婚姻之道所以厚別也故同姓不婚中表爲婚此俗禮之大失譬如嫁女而號泣奠禮而三獻喪事而用樂我輩不可不辨剡源向乏水患亦無劫案自嘉慶初閩台棚民相率來剡種蒔青種苞蘆日闢日廣如牛山之濯濯水無所蓄迨末年大雨連旬山水驟注於溪溪不能容遂漂沒田疇無算自茲以還或五六年或三四年或連年水必一發焉漸至溪高於田田中多沙墩者寔由於此卽泉口以至徐家渡江中多沙石者亦由於此比年仙居黃巖無業貧民借來工作寓居山廠一不得食搶劫之案層見疊出官府畏處分令其改搶爲竊差役能魚肉善良不能緝捕盜犯甚至殺人越貨逃遁而莫可緝獲大抵在唐田左溪阮一帶居多雖保甲門牌屢次舉行然而有治法無治人奚足恃乎

禮內則女子十有五年而笄二十而嫁方氏謂經亦舉其大略王氏謂二十而不嫁

則非禮素問岐伯曰女子二七而天癸至任脈通太衝脈盛月事以時下故有子然則自十五至二十俱可嫁之年今貧家之女無慮其不早嫁而富者往往遲至廿五六歲而後嫁其中如邳子之女泉邱人之女者不可勝道揆厥所由其故有二一由於擇壻夫佳兒佳婿命實主之我非淑女而但求吉士人其許我乎况今之所謂擇壻者不過粥家許飯家之說徒擇其家之豐儉非擇其壻之賢否也一由於懼內婦人拗執成性以爲男子之婚父主之女子之嫁母主之遲遲擇配或嫌其娒娒之多或評其姑嫜之惡其父則夫綱不振一任婦人之主持又喜聽術士東四命西四命之說相去已差四歲男家更擇大利小利之年於是女之年已廿五六矣婚姻失時無怪乎其行露而懷春也

孔子曰必也正名乎名不正則言不順是孔子之正名首重父子矣古人呼父曰爹曰爺曰翁曰八八曰巴巴曰郎罷曰罷罷皆因南北語言之不同以致聲音之或異總之皆父也剡源有呼父曰叔叔曰大叔曰阿叔者其始不知倡自何人想其

## 剡源鄉志

### 卷一

風俗

十

丹山赤水洞天  
剡山草堂印行

子初生之時術士妄言禍福以爲命中子嗣難招非出繼與人難免受尅而爲父母者深恐苗而不秀俟能言卽以叔叔大叔阿叔教之父也而叔之將叔也而父之乎夫乾吾父也若改曰乾吾叔也其可乎經傳父母並稱若改曰叔母其可乎一推論之皆窒礙而不通農愚或沿陋俗之稱讀書明理之家亦尤而效之殊可怪也

周禮禁遷葬者與嫁殤者鄭注謂生時者夫婦死既葬遷之使相從也殤十九以下未嫁而死者生不以禮相接死而合之是亂天倫者也欽定禮記義疏案曹操幼子倉舒卒邴原有女早亡操欲求與倉舒合葬原曰嫁殤非禮也乃止據此則嫁殤與遷葬俱是生非夫婦而死合之者今我剡多冥配之俗而不學者流動援倉舒事以自解豈知曹操雖嘗求之邴原未嘗許之乎安得知禮君子起而正之同母異父之兄弟姊妹相爲婚姻律以爲論而我剡實不乏其人昔年巖頭毛氏修譜總裁爲彼族諸生毛其炳概不收入可謂嚴而正矣各村宜則效之

儀禮虞浴不櫛今本有沐字是虞始可以浴則未虞之時浴且不可違忍櫛沐今一遇親

喪卽薙其髮試問櫛乎不櫛沐乎不沐百日薙髮載在會典今沿二氏之說以四十九日爲斷何耶其他應鄉試而辦降服廩生服未闋而出保者抑又何耶

剡源近今講箚之風盛行以一人念呪一人爲箚身昏仆半晌起而言之咸豐時無是事也農愚素不信醫一旦身或妻子疾病遂以吉凶方藥問之於神神豈能憑人身而爲之言哉殆爲

箚身者假言以誑人耳此與講肚仙同治初邑侯鄭公錫潔斥爲講鬼話答責三百管押兩月何以異哉

陳本堂先生集中有公棠溪次待舅氏竺九成舟偶成詩知宋季公棠猶可行舟此寶慶志公塘鎮所由來也今舟已難行僅通竹罉皆因開山種作以致水道壅塞舟楫不通然其始不可究詰想必在元明之間矣

義舉

保嬰會 同治初鄞人楊懋棠助洋銀一百圓以爲之倡塔下諸生曹巨川濟向各村募捐得錢五百一十千田一十二畝上海募捐得洋銀五百八圓半存放生息

剡源鄉志 卷一 風俗 十一 丹山赤水洞天 剡曲草堂印行

凡生女赤貧之家報明各村首事由散董先給養費錢一千兩月後再給二千以作津貼童養媳之費嗣因給發衆多經費不繼裁其津貼之費局設於淨慈寺歲以二月望日集高巖康嶺西隅三石塔下榭阮上下蹕駐六詔晚響嶺水碓頭剡界嶺黃沙阮大阮各村諸董算帳一結寺外建保嬰亭一間立碑二越十餘年存錢者無力歸償經費愈形拮据需濤曾助田四分緣昔年趙姓向董事領錢東推西誘不得已將田收歸推與月邊橋衆承管以後趙姓應給發者亦向是衆領之此中路保嬰會之顛末也

俞村保嬰會 光緒初俞大隆立購田一畝山二畝收花存放生息凡俞氏生女貧不能育者每口給錢二千

塔下保嬰會 曹景岡文逸光緒二十二年仲冬助田一坵坐落下汪畝土名下螞蝗量計二畝五分整又一坵坐落三石隔溪畝土名癩頭山脚量計五分整共三畝交廉正董事收花存放生息凡塔下生女貧不能育者每口給錢二千

存善局 光緒九年巖頭武生毛坤木與毛小春毛信愷毛宏照毛德清毛奎生毛嘉賢捐資施棺歲約十餘具至二十五年建樓屋三閒兩術樓上爲義學樓下爲局中公所又建平屋三閒一披前有涼亭

義山附

墳山灣山十畝董村竺氏上宅派置

長男文衡校字

剡源鄉志

卷一

義舉

十二

丹山赤水洞天  
剡曲草堂印行